



Rede ba Rai Sekretariadu, Fundasaun Haburas, Rua Celestino da Silva, Farol, Dili- Timor-Leste Email: redebarai@gmail.com Telemovel: +670 7922648

16 Feveireiru 2013

Fundu Imobiliáriu

Gastu Orsamentu Geral Estadu depende liu ba osan mina no gas. Tanba ne'e presiza atu maneija didiak se wainhira instituisaun atu hetan responsabilidade ba maneija hodi selu kompensasaun ka indemnizasaun.

Tuir Lei katak membru sira hosi Konsellu Administrasaun iha responsabilidade finanseira, sivil no kriminal kona-ba sira-nia hahalok sala ruma bainhira sira hala'o sira-nia knar, maibe sei la aplika ba sira ne'ebé la hola parte iha desizaun ka la halo sala.

Maibe esperiénsia kazu Brimob hatudu katak funsionáriu bain-bain ne'ebé la hola parte iha foti desizaun sira mak involve iha korrupsaun hanesan falsifika dokumentu sira, ko'a komisiu Bainhira atu selu osan kompensasaun ba comunidade Brimob. Too agora kuaze família uma kain 32 seidauk hetan kompensasaun sira mak kiak no vulneravel liu.

- ✓ Di'ak liu la-bele fó esepaun ba ema se-se de'it mak bainhira komete krime ka kontra lei. Tanba ne'e bainhira ema se mak halo krime nia tenke hetan sansaun tuir lei ne'ebé mak vigora.

Fundu Imobiliáriu sei mai husi Orsamentu Jerál Estadu.

- ✓ Hanoin importante tebes atu hare Alokasaun orsamentu ba kompensasaun no indemnizasaun tenke iha balansu dezvoltimentu setór seluk hanesan edukasaun, saúde, bee mós, nest ne'ebé povu barak presiza iha nia moris loron-loron. Tanba ne'e Komisaun Kadestral atu foti desizaun uza osan ne'e presiza iha koñesimentu no hetan treinamentu ne'ebé adekuaudu atu bele halo análise di'ak no kle'an ba asuntu mak importante no apropiadu duni.

Bainhira iha disputa, kuandu deklarante posuidor hetan direitu nia tenke selu reembolsu ba estadu liu husi garante ipoteka.

- ✓ Ne'e bele lori deve ba comunidade atu selu fali reembolsu. Presiza iha prinsipiu ipoteka atu garante katak ema bele selu reembolsa maibe la halo povu sai vulneravel no kiak liu atu asesu ba nesidade bázika. Ne'e signifika katak ema selu ipoteka maibe la-bele karun liu fali atu asesu ba sosa ai-han, edukasaun, saúde

nest no labele sai hanesan tusan bot ba iha ema nia moris tomak. Iha nasaun balun Europa ipoteka karun liu ho tempu ne'ebé naruk tebes hanesan liu tinan 20 ne'e bele haterus ema nia moris.

Obrigada wain bele konsidera ami nia hanoin sira ne'e, ami prontu atu fahe hanoin sira hamutuk ho ita bot sira se wainhira iha pergunta ruma iha futuru.

Ami saran lia,

Ines Martins

Feliciano da Costa de Araujo

+670 7725 8724

+670 7786 9079

Membru Rede ba Rai ba